

皇明續紀三朝法傳全錄

皇明三朝法傳錄卷之三

高汝拭 輯

同郡 顧賓 閱

高鼎 校

申萬曆十二年

崇王翊鋤奏請改封庶第二子南陽王常澤為世子命該撫檢查覈先是世子常澤于萬曆十一年七月病故所生一孫甫及二週于本年亦故請以庶第二子改封世子上恐朦朧奏請情弊下部行查而巡城御史談羅奏其承奉高朝等在京打點持賄廣營朝等潛逃命五城兵馬司緝拏重治蓋王府積弊相沿已久每

請封費既不貲。矧茲改封。吏胥需索。則行賄打點。實繁有徒。而中城兵馬。蔣倫乘此邀功。不俟御史檄文。凡部科承行吏役。一槩撲捉。強逼成招。是以禮科萬象春疏。常津雖當改封。不宐使員役營幹。乞根究潛藏寄頓之迹。而儀制司郎中趙世卿。亦疏禮科失叅之罪。彼此參商。上以不必爭執解之。○江西石城瑞昌二王府宗室。棋枰等挾支祿糧鼓煽圍繞南昌府。蔑辱南昌道王希元。巡撫馬文煒奏聞。官是萬曆十二年。常祿八萬四千有零。該千十一年支給。本年奉詔蠲免三分。見徵止有五萬八千八百。措置不給。有司亦無可奈何。矧春夏

二季已全支秋季方在議給各宗必欲挾秋冬二季齊給諸司不能徇意拱栢多鳩等糾合鍾陵臨川拱栢多料等既訾辱知府尋赴分守處講支適遇巡撫一齊擁近噪嚷亂拋磚瓦幾及于身橫行街市暴戾恣睢法紀凌夷可爲寒心

張溥曰南昌王之謀反歸張士誠而寇桐城而死也谷德王矜金川門之功諷蜀王其爲桓文而至閹戶自焚也漢族人高煦反于集安而後死適遇城也安化王寘燾以寧夏反仇敵禽之而伏法京師也寧襄人宸濠發兵徇南康下九江王守仁破之而東南底定也此皆宗室之大變也然不踰時而卽服者以祖宗立法之善也惟立法之善卽大變且頃刻而平況區區宗室祇以祿糧鼓噪者哉輕則革祿重則高牆誰敢奸之矣

○上以潞王出府成婚已踰一年分封地方未有欽定
應建府第未見題請 命該部及時舉行以昭盛典○
刑部尚書潘季馴等疏請張居正蒙 旨抄沒子孫死
亡相繼國法已正衆憤已平乃其八旬老母舉目無親
衣食之供給不周子孫之死亡相繼乞 聖慈保全餘
孽 上命留田百畝以贍之懋修等各戍邊

于慎行曰華亭之富等千分宜吳門之富倍于江陵
而彼以之敗此以之存豈歲星常在吳耶夫得地者
得人得人者得天天亦何時定也
高汝杖曰唐德宗既脫奔秦欲藉其家陸贄諫曰在
法互逆者盡沒其財誅汚止微所犯德宗不聽竟賜
參死而藉沒其家蓋藉沒一法因種族其家然後奴
婢貨財皆爲官有若其罪未至族則家固無恙從而
藉之不相中矣江陵之事在庭諸臣無引贄語以進

者。刑政一失
其可收乎。

○雲南邊臣劉世曾奏報將佐沐昌祚、鄧子隆、劉綎、俘斬隴川土蠻岳鳳、莽糜啞等首虜三千一百級。

漢時匈奴之長為單于其妻號焉闐氏唐時突厥之長號為可汗其妻號曰可敦今之唐王正理號哈屯幸勝號比妓哈屯即可敦之轉也音正相

九月順義王黃台吉死子扯力克襲位初把漢那吉歸俺荅命王扳升號曰大成台吉妻曰大成比妓兵馬雄諸部癸未年死三娘子欲令已子不他失禮妻比妓而俺達用事之臣恰台吉不肯陰王扯力克以兵收比妓為妻三娘子名哈屯另築城居朝廷賜名歸化先是三娘子在俺達時自練精兵萬人夷情向背半係娘子俺達死娘子當屬黃酋黃酋老病三娘子意驕之將別舉。

耳似書者說

督臣鄭洛計曰。若三娘子別屬。我封之。老酋何用。乃令入說娘子曰。汝歸王天朝。以夫人封女。不歸一胡婦耳。于是三娘子迫利害。乃歸之。比黃酋死。扯酋當嗣。洛又諭扯酋曰。娘子三世歸順。汝與娘子聚。則封。不聚。恐封別有屬也。扯酋盡逐諸妾。乃入三娘子帳中合婚。○更部左侍郎陸光祖乞罷。從之時。江東之論大學士許國。吏部尚書楊巍。光祖言其有氣力。以撼大僚。汪應蛟劾之。故罷。○遼東總兵李成梁。自以身爲主帥。世授伯爵。一門父子兩鎮總兵。上疏乞休。上准其子李如松。山西總兵辭免。成梁溫旨慰留。○慈寧宮災。○調兵部。

內官秀才

內侍

主事董基于外、復左遷御史郭惟賢爲大理寺評事、內臣張維者、好文雅、能爲詩、嘗在上左右、上愛任之、呼爲秀才、命掌兵杖局、駕常幸局、觀所造兵器、時玩弄之、維奏言、兵凶器、非尊所宜操、上笑而止、因命內監勝兵者、咸肄習之、于是有先朝內教場者、蓋指武廟時事也、上欣然命立內教場、以歲時演習武備、摘選內監二千餘人、分班操練、如三營操練法、每以五鼓從東安門入、及晨而散、砲聲相聞、閣臣以爲言、上諭不久當罷、臺省亦有言者、而基獨言之、則切故降之、惟賢上疏申救、遂得左遷、○江西巡撫曹大埜、劾臨江知府

懲惡吏

于教率先

生云曹中

丞平日不

取飛論至

為成其

及後又

拾如許以

其甚罪

有二百人

今可釋登

于奏請者

若廣四

人余問學

之邑子而

新都許

學之門人

之

錢若廣殺死無辜至二百有奇上怒命撫按追治時

上已明習治體加意元元痛絕酷烈覽疏大怒疏下趙

閣臣從重問擬及勘上者以永戍擬上意少之欲處

以極刑上手批決不待時閣臣再三執奏若廣所犯

不至此即處以極刑亦宜緩至秋後方今春和發育望

體發育生物之仁上命中使語閣臣曰彼殘多許人

命都是秋後否奈何不體生物發育之仁閣臣無以對

上揭力救始得監候取決之旨此本朝第一盛德事閣

臣恐開輕殺之端故再三執奏耳威恩並用海內無不

仰服○迨平樂知府周祈并迨兵備武應隆守備葉朝

若止法官
具不正
良之罪
本邊軍士
效死而起
將有紀綱
禍置之患
矣

陽等官下詔獄旋釋之平樂軍兵皆招募烏合之衆驕
悍難馴聞廣東餉厚遂欲散歸無以起釁藉口累月久
糧逼迫無聊遂殺人行劫叛入徭洞事聞上命追治
以閣敕得釋○吏科給事中鄒元標奏言內庭火災延
燒慈寧一時煨燼致驚聖母憂勞聖躬但天下未
有無災之國然能修德則反災為祥不修德則禍患立
致而不可解條陳修省六事一日保聖躬以寡慾二日
親臣工以召對三日開言路以虛受四日諭百官以敦
熟為戒五日節財用以難繼為懼六日拔幽抑以寬罪
宗放宮女為仁不報○丁此呂請召逐臣馮景隆孫繼

舊唐書
本心

奉太后同
關山度

先等追論馮保罪御史范雬亦言奉天道防人欲信詔
令定章奏廣儉德專民事惜人才養士氣清武職此呂
又論侍讀高啓愚先年試士以舜亦以命禹命題爲何
附居正有解受逆萌吏部尚書楊巍駁此呂以曖昧中
人大辟上怒命調此呂于外而繼先雬各奪俸半年
朱國禎曰神廟宮中自號禹廟啓愚命題以此使居
正果有異圖何用如此露狀于人耶○于慎行曰當
時士論洶洶以爲居正必有異圖余獨策其不然自
古奸雄盜國未有不結人心者居正十年作事大槩
行韓申之術與人結怨又諸子連舉
鼎甲以爲榮寵其志量固可知已

○上奉兩宮太后同閱山陵在兩宮輦前乘馬導
行不由中道及山頂遙望兩宮幄前主上立侍臣下

見之心甚不安

于候行日兩宮輦出乘輿自當先行卽以前導爲名亦不必避道御帳獻茶上可退居別帳亦不必侍立宋時明德肅太后與仁宗同幸孝慈寺欲乘輦先行曾宗道以大死從子之義爭之太后遂命輦後乘輿冬至帝率羣臣朝太后于內殿而范仲淹以爲自宜行家人禮不必與百官同列北面而朝使范魯二公見今日之禮必有以處之一時公卿侍從倉皇望見不敢冒陳亦是一闕典

○上召輔臣申時行等入感恩殿東室命降李植等三級先是植等劾江陵已得陞卿寺矣至是左祖梁子琦力言大峪山非吉上怒降植爲員外江東之羊可立爲主事而壽宮之議息○刑部擬定懲貪律例上請上是之命著爲令○漕運總督傅希摯叅知府董用

威等貪賍、上命刑部定其律例、部以貪官科欵五百兩銀以上者、都追賍還官、情重引例發遣、情輕依律問擬、遂下各省直、永著爲令。

于慎行曰、古時受賍法極重、如唐肅宗上元間、或告宰相弟王玘、受人金三百兩、遣御史按之、遂坐長流、可謂重矣。近世賍吏受賂五百以上、法方遣戍、其泛指職數、不可核實者、卽至千萬、不過罷免。又肅宗時、宦官受賂爲人求官、于宰相呂誼、事覺、宦官杖死、誼亦罷免。近時中貴請托宰相、如取如構、縱遇事、終不過革退、未聞杖死。亦未聞連及宰相者。蓋今人情似刻、而實緩、今之法、紀似密、而實疎也。

○禮科都給事萬象春奏、革除之陵廟、宜復。景皇帝之廟號、宜尊。事下部議。

高汝拭曰、國家修明典禮、凡前代帝皇、有功德于民者、除歲時廟祭外、間遣官祀于墓陵、別建文帝按

臨臣民。至四五年爲一代詞範之正者乎。革除死事諸臣。上登極之初。首發明詔。令得祀于鄉。通又允言官之請。凡諸臣墳墓。苗裔咸蒙修治。通錄。則一建文君。宜勅所司。于原葬處所。立爲陵廟。歲時一體祭祀。仍宜上尊諡。以表追報之隆。復年號。以正若臨之體。若土木之變。國家岌岌。幾不可保。帝奉太后命。進登寶位。鎮安人心。克戡禍亂。卒至乘輿反正。迨升遐之日。謚號葬祭。率從貶損。純皇帝時。廷臣建議。復其帝號。祭以帝禮。特廟號未加。陵制有餘。終屬缺典。仍宜遵照典制。備加尊諡。仍恭上廟號。陵制。此須亟爲恢復者也。

○代王問鉉奏祖母代昭妃周氏病故。蒙給賜祭葬。准命太監一員前來主行祭葬禮。禮部駁之曰。正統以前。有行之者。至成化二年。議定親王妃祭免差內官。止令本府承奉行禮。雖正德嘉靖間。一有行。然數十百年來。皇明法傳錄卷三顯皇帝

惟岷府周府二三處近年以來所絕無者查萬曆四年
崇王妃宋氏七年岷王妃王氏八年晉惠王妃郭氏准
恭王妃虞氏止照例奏討祭葬並未及內官部覆亦不
差內官禮貴遵時法貴肅一代府不遵會典妄奏故不
許○中軍都督府帶俸永年伯王禕乞恩賜輿上從
之先是上恭謁山陵偉爲居守奏云同事都御史趙
錦肩輿乘騾併行不便上特恩准與

高汝拭曰國朝之制以侯伯都督皇親駙馬不分老
少俱不許乘輦載在令甲故勲戚大臣濟濟在列雖
耄年白首出入未嘗敢離鞍馬惟定國以陳乞得之
然班首重臣且襲封年久卽陳景行爲仁聖靜皇
太后父李禕爲慈聖肅皇太后父尊養兩宮推恩
所生特加異數俾雖至戚何得遽此往年駙馬都尉

許從誠具疏請給肩輿。穆皇帝嚴旨責其無敬慎之意。今偉雖微恩。違例甚矣。驕淫不日滋也哉。

○以禮部尚書王錫爵入文淵閣。吏部侍郎王家屏入東閣辦事。○原任大學士李春芳卒。贈太師。謚文定。春芳丙寅與徐階同受顧命。奉穆皇登極。因贊襄錄忠直誅左道。下寬大之詔。與天下更始。至建翔鳳樓。取太倉羨金。增織歲幣。徵牙簞諸珍異物。隨奏隨止。議建臺易閩帥。許虜酋欵關乞貢。此尤其制禦之大者也。○雲南巡撫擒岳鳳等九人獻捷。命午門外受俘。戮于西市。鳳之擒也。原許以不死。及入京師。政府于射堂鞠勞。以花幣。日且有爵賞。既而命斬之。

于慎行曰中國制禦夷狄全在恩信不信則失恩失恩則傷體降而殺之非示恩也許而背之非示信也堂堂天朝不能以兵力取勝誘降小夷致而殺之不政體則貴正大不則非體也甲申之舉其亦未聞蘇定方之言耶

乙酉萬曆十三年

巡按御史鄧鍊條奏請停止燒造磁器有旨停止然

尚有未停減者次年巡撫陳有年稱燒造繁難將各難

成器皿如屏風燭臺碁盤花瓶等項計一千五百六十

四副對費使錢糧雖多竟無堪用者于是上命停止

○東虜炒花把兔兒等犯蒲瀋汎河諸堡右僉都御史

顧養謙總兵李成梁拒却之○兵科王致祥乞罷內操

疏畱中○南京廣西道御史黃仁榮奏稱在外守令中
有貪吏之剝削酷吏之驚悍慢吏之因循巧吏之恣肆
五吏爲蠹以故傷和致災重爲民困因請差官專董荒
政親詣郡縣採訪或有前吏許其特疏斥逐事下部議
部議以特遣不便不若專委撫按督察各省司道中定
委一員專董荒政○文書房傳奉 聖旨壽宮工程浩
大應用錢糧數未有次第聞嘉靖年間撫按官各進有
助工贓罰銀兩工部還查見在錢糧有無足用助工事
例是否可行白明說來工科給事陳與郊奏言世廟時
曾以朝門午樓工程令中外獻助第門樓臨政所御勢

不得不朝夕急其時虜患方殷故爲一時權變之計。若
壽宮吉典日月綿長儘可從容次第少裁恩賚動可萬
千稍假歲時自饒接濟疏畱中○工科左給事陳與郊
奏潞王府第告成請遵 祖制亟命之國事下部查得
本朝故事 宣宗朝襄王二十餘歲而之國 孝宗朝
益王未二十而之國 世宗朝嘉靖三十九年冬景王
府造成數年因內閣之請傳示擇日之國今潞王受冊
已幾年居邸又復數年府第告成者又復幾閱月乞擇
日亟命之國

四月京師旱 上步行祈禱 詔免天下災傷地方錢

出布陣爲一二字以一字衝鋒以二字繼進令既定旦
日去邊一百五十里虜望見兵至卽跳騎挑戰成梁躬
率一字陣接鬪火器弓矢齊發撫臣李松趨二字陣鼓
行而前虜皆股栗欲奔我兵乘勝疾戰斬首虜八百二
十四得名酋扯征孛來十三人戰馬五百四十九匹軍
士亡失者六百九十三人○封扯克爲順義王哈屯比
奴爲順義夫人○起海瑞爲南京僉都御史旋轉南京
吏部侍郎復陞南京右都御史上勵精脩治于江陵
所建置大有更變盡召其擯棄諸臣于要地并及先朝
言事者○上雅熟瑞名廷臣亦以其名薦一歲三遷皆

其通殿與
顧佐相似

此覺太甚

具于五城
兵馬各有

司于民事

尤所關切

每下一令

都入塗傳
巷通自大
條毛丞厚

特簡也。然南京為養望地。官號吏隱。右都雖長御史。然

于諸御史。無所短長。取相引為尊。王瑞以御史表百官。

職刺舉。南台亦猶北也。約束諸御史。久甚嚴。且峻。南御史

無幾人到台。即論一人。至追訊。祇有御史為戲宴者。

召而責曰。爾聞高皇帝有杖御史法乎。命以杖。諸御

史爭不能得。卒杖之。其釐革苛細不平。皆洞中情弊。無

不凜凜奉法。然太嚴肅。竟杖御史人。以為大厲云。

吳禎曰。瑞之出撫。藉松也。行事過。于核。射出入乘一

馬。以二杖前呵。如在內。食堂之儀。令長佐吏下。迨津

令。皆得錦繡入見。此雖故事。一時創見。無不駭異。至

裁革過客夫馬。及抑損士夫。則其致怨之由。以是吳

人大譁。吳中大饑。瑞勒借富室。先召溧陽史太僕。使

出三萬。太僕不得已。而應之。又請華亭捐所有。以賑

皇明法傳錄卷三 顯皇帝 十一

無不潔
清純牛首
官妙遊展
煩紀
為公家那
顯得私家

尊義之至
延為大春

鄉里華亭以數千界之至其家人極眾然有籍記半
條假借一日至華亭第請其精制之僅留數百以供
役使自是華亭賓客若顧無敢借聲藉橫溢世謂海
受華亭恩厚以是第之為負義其責有益華亭然于
報施少之義則左矣

六月慈寧宮成上悅命擇中秋吉日奉迎聖母

還御新宮○四川松潘疊茂等處大小粟谷等寨番人

攻撲城堡殺死職官隨調土漢官軍議行進剿命

四川巡撫徐元泰總兵官李應祥等相機行事○南提

學御史房寰疏劾都御史海瑞大奸極詐欺世盜名誣

聖自賢損君辱國疏寢不下進士顧允成諸壽賢彭

遵古復奏海為當代偉人萬世瞻仰宸納賄狼藉聞瑞

之風。方愧死無地。乃強面反咄之。何也。後袁事敗。則

案瑞發貪不少。借欲發袁陰事。袁逆知之。乃先奏瑞瑞瑞瑞。上延責袁。而留瑞。吳人號袁為倭房公。板為阿房宮。賦以志恨。號瑞為海賊。以其刻削少恩耳。

○朶顏酋董狐狸。自款塞。下脫帽跪起甚悲。言向來犯邊。皆東西二虜。同名姓者。所為。撫臣張佳胤讓譙之。狐狸叩首。稱冤。願按實事。使得奉撫賞。○東虜長昂。踰入喜峰口。降罰正佐。將吏有差。至九月。遣其母妻詣撫院告款。

十月。刑科王繼曾奏邊臣敘蔭太濫。請清革。

董其昌曰。明視敘蔭。自款賞之後。日濫一日。上下相蒙。功實貿亂。遂事大壞。瑞在于此。一變陋規。復萬曆皇明去專錄。三月。吳三願皇帝。

三年已行之制
有等干謀國者

送思白
李駟
五氣

○御史李棟奏言功臣被逐外議不平特疏理尚書潘
李駟之冤初李駟與居正同朝頗以勤勞著績河上祇
以居正故奪官故上疏理之不報

高汝拭曰黨與之波連大有冤處如康海為李夢陽
而交劉瑾沉陸終身當時無訟言者棟獨理李駟
功其孰有之訟陳湯耶不為
時論所阻有與御史風焉

十二月貴川羅雄蠻作亂撫臣舒應龍調土官陸有義
兵討平之

丙戌萬曆十四年

六科查參考成以稽查勘合推督未完六科本司

成之法
微發

楊補機時
犯提問官
員則重處
海按撫按
准給有司
有、鼓外
百姓務通
平民以致
鍛鍊文致
吳門之救
益亦有見
想慈江陵
之失而過
矯之耳
今日見處
進步不放
動矣況出
塞二百里
更觀自力
取乎

不過四十件摘然止五件是完報者多未完者少時

上治勵精政先綜要 命撫按事件有未完者從重處

分閣臣申時行樹請寬罰不必過求云

說者謂時行之疏行而事事因循苟且歲月遠近之任事之能臣萬曆之政衰矣

○進遼東巡撫顧養謙為右副都御史領事如故東虜

炒花把兔花大等復聚土蠻犯前屯時糾集十餘萬衆

睥睨遼陽廣寧間顧養謙與李成梁分兵為二一出塞

外繞虜營後一當其衝更召將士黑雲龍等大集鎮邊

堡出塞二百里李成梁親自力戰自辰至未不俸虜不

能支皆騰山錯林而遁成梁遂兵繞出虜後與養謙兵

夾擊之虜大敗，誠其大酋，斬首千餘級，得名酋虎兒把
禿等二十四人。○輔臣申時行等請冊立東宮。上曰：
元子嬰弱，少俟二三年舉行。○命立鄭氏爲皇貴妃。
○西虜內犯，言者欲罷款，議戰。閣臣王錫爵奏言：款不
可罷，戰不可輕當。羈縻勿絕，而內自爲防塞。上是之。
○南京大理寺寺丞傅應楨卒，贈大理寺少卿、給事姜
應麟等累荐楨。望隆重，不久久置閑曠，尋起卽卒。

楨，吉安人，與劉臺同師，相得甚懽。應楨既謫臺，亦以
參江陵成疾，先是二人未第時，廬州府推官張某夢
登天門，見二人坐殿上，詢旁侍者曰：劉臺、傅應楨，張
與劉傳同登辛未春闈，乃于榜末識之，奇其事。又隣
人常夢朱衣吏奉四字表應楨之，楨曰：乾
坤正氣，後有司樹碑懷卒，符所夢云。

聖心久定

二月會試以文淵閣大學士王錫爵吏部侍郎周子義
充主試官取袁宗道等三百五十人○降戶科給事中
姜應麟極邊雜職吏部驗封司員外沈璟降三級調于
外時有冊封鄭貴妃之旨應麟以慎封典重儲二慰人
心爲言上曰這冊封非爲儲二因其敬奉勤勞特加
奇封立儲自有長幼姜應麟窺探上意疑君責直降極
邊雜職次日吏部員外沈璟復奏定大本詳大典以固
國脉上怒命降三級上諭閣臣曰降處非爲冊封
惡彼疑朕廢長立幼先揣摩上意耳我朝立儲自有成
憲朕豈敢私意以壞公論欲置朕于不善之地耶○禮

部侍郎沈鯉奏言既封鄭氏爲皇貴妃宜並封恭妃王氏
上曰待元子冊立行恭妃王氏元子母也後追贈
孝靖皇太后

張鶴曰神宗時貴妃得寵其父兄鄭國太等日夜
謀冀構成離間如夜譖于上上加害太后家落若攝
幾三十年太后忿懣失明沒成氣盡左右無一宮侍
在側凡日膳內臣置于外殿請太后出外自取貴妃
令暖心內嬖探訪捧膳者何人既而垂危思光宗
一面以興永別不奉貴妃之命不敢啓關遂阻光廟
哭于宮外至氣絕方請光廟入已仙逝矣其髮鬚髻
坐而不卧無伏后禮幽苦不可勝言光宗登極始
追贈出王昇奏既
徽號

三月廷試賜進士唐文獻楊道賓舒宏志等及第出身
有差內閣原擬袁宗道第二楊道賓第三而宗道屬大

學士許國讀卷音楚士不憚置二甲第一拔進呈最

末卷舒弘志爲第三弘志巡撫舒應龍子年少策奇麗
語多譏刺時政且侵言官之橫者大臣不敢顯置前列
上忽拔之中外驚異稱得人焉

高汝拭曰古來英主皆晚文苑如韓非之書傳在秦
廷始皇嘆不得與此人可時陸賈新語奏一篇高祖
爾善漢武帝于司馬相如奏子虛賦不謂其今人至
嘆口朕不得與此人同時奏大人賦則大悅飄飄有
凌雲之氣眼孔何如超卓永平中孝明覽班固賈逵
等文異之此于金玉廣陵一機天后太息曰有才如
此而不用宰相之過也他如情場恨空梁于道衡梁
武仙慙事于孝標忌則忌矣而未始其佳况我
祖英明天縱超漢唐而上者
也其識拔可異寧須問哉

奪南道御史孫維城俸一年以其請定儲位教
言官范偁等也

皇朝典學錄卷三 二月 長三 順皇帝

○戶部尚書畢鏘予告回籍時鏘已七十餘引年乞休
上念其老成 詔留之忽入朝步履遂許辭去 上
遣中官賜餼牽存問云○庶子趙用賢上理財策一曰
用賦之數二曰混派之弊三曰征稅之則四曰偏重之
派五曰白糧之運六曰兵餉之實○大學士王錫爵奏
陳泰交要務言王與臣交大臣與小臣交當事者與言
事者交斯泰道可期報聞○ 皇貴妃鄭氏父鄭承憲
爲其父請卹典援中宮永年伯王禕例禮部疏駁 上
命予墳價五百兩○畿內大饑御史柯挺奏救荒諸便
宜詔撫臣賈三近行之

文恪著述
卷多

七月各處水旱異常災傷疊見。上出帑金數十萬命官分道賑濟饑民并安撫流移禁戢攘奪。○吏部侍郎周子義卒贈禮部尚書謚文恪。

子義無錫人平生無尊羹圖書珍奇之好獨嗜古史爲祭酒時猶彈力編緝竟夜不寐時已上疏乞骸以履端不得已強起會大官設春餅與晏比歸猶儼然存歲事厥明溘然逝矣子州謨官至禮部左侍郎

○禮部請復建文年號修景皇帝實錄定恒嶽舊

祀移太廟侑祀親王及功臣于四廡進世廟諸妃葬金山者配食永陵宜各專官毋兼攝改諸王諸墳所祀文稱謂之未妥者。上報可先是太常寺卿裴應章奏

高皇帝當日定壽春諸王及妃與功臣胡大海等侑享

四祖帝后廟後四祖祧而侑享如故夫侑享已非是況功臣何可與母后同堂也宜移之兩廡 肅皇帝定六陵諸妃原寔金山者罷勿祭而祀享各陵殿 肅皇帝廟諸妃祔享莫爲請者宜祔享永陵至是部覆惟建文年號景帝實錄尚有侍○削吏部等衙門辦事進士彭遵古顧允成諸壽賢革職爲民○降刑部山西司主事孫如法廣東潮陽縣典史如法奏言太子乃天下大本大本未定天下皆爲引領天下恒見 陛下於閣臣之請則以嬰弱不允于科道之請則曰有旨了若以爲早耶 英宗爲太子年二歲 武宗爲太子尚未週歲若

鄖陽兵變
既役營兵
其復又減

以爲勞耶。官中不過一受冊。文華不過一受朝。其出閣講學及朝賀等儀俱候。睿體克寶。次第舉行。未爲不可。又曰恭妃王氏誕育元嗣已及五年。是固左右宸居朝夕奉御者也。豈毫無敬奉之勞。未聞有進封之典。貴妃鄭氏何一生子。卽有皇貴妃之封也。奇封之典。貴妃能得之于皇子之生之日。而恭妃不能得之于五年敬奉之久。此天下之人不能無疑也。上怒降邊方雜職。鄖陽兵變先是李材爲巡撫。大開講學。學徒至鄖陽者率遊武當山。役營兵以爲輿擔。營兵皆怨。副使丁惟寧議減兩月兵糧。以供講學之費。材又改參將署爲書院。

三月十五日

其月鹽改
其府第軍
士未免有
弟兄有本
將以導之
乎

鳴雀才氣
俱可取

舊方解任米萬鍾。繼之有忿言以激軍士。梅林王所
等鼓衆譟亂。毀學牌位。逼軍門。材閉門不出。海州人王
鳴雀以新選守備至。謁叅將。亂兵或坐或臥。鳴雀具庭
叅禮甚肅。叅將止之。鳴雀正色曰。上下禮自一定。衆悚
然起立。鳴雀因諭之。教以擁叅將詣督府謝罪。鳴雀亦
隨謁李。勸啓門。納亂兵。聽所請。李領之。兵所請十二事。
內凡不便事。空文卷勒取門外燒毀。上疏歸罪。府道之
員。疏必經閱過。未驗過。追改者。再仍收城門鎖鑰諸事。
李隱忍從之。鳴雀止材勿督。曲徇因請委令矢統兵士
城外。備操以待閱賞。部伍既分。鳴雀伏劍。逕部曉諭。諭

以反亂之難。一城之中。難與天下抗。人各有父母妻子。宜自爲計。衆皆感泣。已而材所允十二事。與丁惟寧議。丁惡米之激也。厲詞責米。萬春曰。各官兵將擁汝爲主。帥耶所請。非分。烏得許。米大怒。擁衆喧亂。使兵士誑謀。丁匿走破灶中。鳴雀聞之。單騎往喝曰。汝真反耶。誰爲首者。當前決死。衆復退。鳴雀因出丁而匿之。他署室中。夜亂兵圍繞他署。聲言必欲殺丁。鳴雀乃出家丁三十人。擁空輿出城。言丁副使下舡歸襄陽。鳴雀身自前導。賊不敢逼。僅得免。李避走襄樊。事聞。廷議推裴應章往代。應章未至。先爲檄諭。以禍福語甚切。復以好言慰米。

檄至軍中讀之有泣下者亂卒計窮自縛至數前至外
迎乃集眾斬其魁梅林王所等餘無門亂遂定

高汝拭曰軍伍之變已非一朝嘉靖時一見于甘州
再見于大同三見于南京振武營至萬曆後而紀法
愈凌夷矣始猶曰浙兵變出不測茲且報于前鎮報
于粵西頃那陽又見告矣一歲之內後先接踵逆事
已著幸不流血公庭耳夫朝廷以名義紀法治天下
若是者尚有名義紀法耶當事者日益姑息處養奸則
國紀大削伸法則事變立起下是苟且姑息之習多
漸精明作之政少矣善乎戶科吳之暢疏曰朝廷無
輕重之體若使任其積習成風遇變曲處今日將一
總兵明日罰一參將又明日易一撫臣予奪去留惟
喜怒而悉出其手此所謂厯大于一變指大于一放言之
可為痛心者也知言哉屬階禍黨机則已形履霜豎
冰漸不可長及今不為之計
滋蔓難苗可不為亟亟哉

○京師大風霾四塞上諭閣臣命有司去妨民生之

政以圖消弭天災之實

郭正域曰風之萌也養物成功黃帝風經云調長祥和天之喜風也折冲奔騰天之怒風也怒則飛砂揚礫發屋拔樹喜則搖枝動柳順物布風吹則歲美風暴則歲惡故曰風氣者禮樂之根萬物之首也靡物不以風成熟也古稱太平之世五日一風十日一雨風不搖條雨不破塊按尚書洪範曰蒙恒風若禮記月令曰春行秋令則飄風暴忽至春秋繁露曰王者與臣無禮身不肅敬則木不曲直而多暴風淮南子曰人主詠暴則多飄風六韜曰人主好田獵畢戈則歲多大風五穀不實由此言之災異之發各象過失以類告人上天聰明苟無其事安不虛生自古記之矣

○戶部尚書宋纁奏饑民嘯聚可虞請勅當事臣工綏輯地方勿泥常套不妨再為蠲賑便宜設處務期盜息民安下部院知之時江西巡撫陳有年直隸巡按劉懷

變資理克
已盡修省
大槩

重修大明
會典

恕等奏餓民糾聚搶亂不但黑夜強劫白晝公行搶去
倉米舡麥松江常州等府搶攘不殊二省山東濟南東
昌兗州三府亦如之○大學士王家屏丁艱馳驛回籍
丁亥萬曆十五年 上視朝畢召輔臣于皇極殿門盼
閣面諭曰朕見各處災傷重大心甚憂憫凡有關於吏
弊切于民生的卿等可深思詳議又云民間有冤抑事
情撫按官不爲申理以致上干天和如今要懲貪墨理
冤獄以安民生卿等議該行的來看

二月重修大明會典書成

三月河南光山縣牛產一麟隨斃

上聞諭閣臣取視事下禮部尚書沈鯉疏奏麟已斃矣
在禮當祓除不祥何可塵至尊況官司拘驗在所傳送
擾累實多又使海內傳聖主有好祥瑞之名非盛德事
臣不敢奉詔 上復諭云麒麟鳳凰世所稀有朕欲一
見耳鯉報奏如前 上不懌遂命飛騎取進○常熟布
衣許士廉以民運白糧至京上書闕下請召募開墾畿
輔荒田不報

陳仁錫曰唐張全義之尹河南也喪亂之後居民未
滿百戶全義招民墾闢遠近趨之如市在洛四十年
遂成富庶天下事在人爲耳國家處物力全盛之時
而使輦轂之下鞠爲茂草歲仰給于千里外竊以爲
當國者失
之無策也

○福建道御史潘士藻上修省六事命降三級調邊方用。上曰連年各處災傷雖上之不德所致而設官分職皆有寅亮天工之責。近來言時政者值于一途歸咎于上以賣已直。好生無禮。其餘貪官污吏欺蔽壞法不行查責奏如打殍生員妄殺無辜威激民變勢奪縣官者此可回天意乎亦上之不德乎。這所故借天意肆言賣奏降爲廣西按察司照磨。

後四年召選原官至尚寶司少卿師事羅南溪耿黃安李溫陵最後爲邵文淵所深知與焦弱侯諸名家爲締帶交。

○南京天策衛卒以儲釀腐浥鼓噪兵部尚書吳文華

法正理直
人心自服
雖敢再譁

杖而戍之事遂定。文華召倉儲諸役及卒魁六七八人立
庭下。數諸役曰：士卒寄命于食，典守不嚴，爾無所逃罪。
叱杖之。卒以爲庇已也。匍匐謝文華。文華更數卒曰：彼
役誠有罪，爾曹奈何不白之官而遽譁在軍？令譁者死。
三尺具在。爾自圖之。衆咸股栗。哀祈文華曰：今姑貸若
薄懲，乃痛責徙戍他所，并黜其長焉。

○以曹同亨爲工部尚書。時工役繁興，冗濠調進奸商，
每鑽求豫支，乾沒無算。乃定工部條例，藉其甲乙而次第
給之，積弊盡祛。上命著爲令。

七月，大聖風，詔發臨德兩倉粟數千萬石，聽以常直予。

民風雨所過地皆赤。齊魯燕趙兩河間。饑饉甚。上念之。故有是詔。民全活無筭。

八月虜騎入犯閭。入城堡。巡撫顧養謙奏言海西屬夷。乃開原藩蔽。仰逞二奴。乃海西仇敵。今相侵凌。空勦以杜後患。詔可之。○河南開封。封丘。偃師等處。及直隸東明。長垣地方。河流衝決。輔臣議差風力老成。給事中一員。前去踏看稽察。催督興工。上允行。先是河督北決張秋金龍口等處。命大臣往治。夫役錢糧。動以數十萬計。然後成功。嘉靖以來。河之衝決。多在徐沛以南。自朱衡開南陽新河。潘季馴塞崔鎮築高堰以後。河道安

流第下流既通。則上流爲害。河南一帶地方。修防疎弛。堤岸卑薄者。間亦有之。失今不治。明年河水再至。勢將北徙。先年設有河道都御史。河漕經行之處。皆屬統轄。近裁此官。分屬各巡撫管理。責任既分。事權不一。黃河衝決。多在河南地方。而餘流所及。又在直隸。若衝安平曹濮。又在山東。雖畫地修築。彼此不相照應。必致悞事。故輔臣有是議云。○梟斬回夷。馬毛等徇之。初陝西延慶間。有夷人編入版籍。名曰回夷。是時饑荒。回夷五六百人。據高山爲壘。流劫州縣。里無賴者附之。都御史李汝督兵行勦。夷走羅州。與饑民合。叅將高節逐之。殊死

戰賊走韓城通判杜存大破之諸軍逼之于同官斬獲三十餘汝復會三邊總督邵光先并勦上詔毋得姑息其願爲民者聽立保甲法嚴勸懲之

綱開一面
罕思洪
矣

九月伯言把都集衆入塞攻鎮夷堡我軍禦之二晝夜不解甲虜大敗去伯言把都慟哭曰阿父怨終不可報矣○套虜卜失鬼助火落赤寇邊其母大虎罕遏止之不從越黑山而西我兵逐之斬首九十級復擁衆從永昌闖入總兵張臣惡其反覆率衆力戰射之幾死生獲卜酋愛女斬首八十餘級卜酋乃逃雪山同宰僧匿跡西海托宰僧乞恩父母大虎罕亦如之明年虜王請携

卜酋還巢○那林猛骨二酋引西虜恍惚太等萬騎攻把大寨我兵往援解圍

王台孽子康古陸向奔逞加奴者乘虎兒罕殿即來歸妻其父妾溫姐分海西業與兄子猛骨字羅及商昂立至是以仇虎兒罕故甘心及商爲北關內應因約及商叛夷阿台卜花及攻及商擄其資蓄而猛骨字羅以母溫姐故亦助康古陸奸收及商妻協謀誘殺開原兵備副使王緘檄叅將李宗召會游擊黃應奎勒兵執溫姐康古陸已念戮溫姐則猛骨獲釋之止囚康古陸雷命而猛骨字羅克爲北關誘脅從那酋夾攻及商四日焚其巢往十八寨并劫溫姐去巡撫顧養謙陰以降夷一人爲間引兵出擒二酋壓壘而陣猶堅不下養謙督兵殊死戰拔其二酋斬首五百餘首窮蹙請降迺釋之

○迨遼東開原兵備副使王緘下鎮撫訊問先是二奴侵凌海西顧養謙力主勦已得相機行事之旨矣兵

備王緘異同其間養謙參之宜降調而 旨下罕問料
臣彭國光爲緘不平卒以失事推諉容論養謙 上欲
置養謙于理閣臣持不可已而下緘獄勘問稱先年開
原地方貪功生事多殺無辜等事 上怒曰逮兵備任
天祚質對關稱海西諸夷順卽當撫叛卽當勦其理明
甚緘亦知奴之不當撫矣又不敢言勦其言似持兩端
所以致撫臣之叅也若欲自脫其主撫之失而追咎其
行勦之非則不可况緘自以一云不與調遣則天祚亦
兵備耳以血戰之功爲妄則邊將膽心解體 上意釋
緘得閑住云○閣臣請 上勅御經筵以熙聖學 上

褒答是年 上止開講一次未曾再御日講故有是請

○降四川道御史高維崧三級工部尚書何起鳴既去

上着吏科問十三道灼見何人堪用卽推舉來說不

許推諉崧以凡大臣員缺惟大臣得以奉 旨會推全

不敢以台臣而侵大臣之柄 上以爲推諉支吾故降

之

高汝拭口朝中推補各員缺有立推坐推走推如推
內閣吏部兵部總督總兵副總兵五府九卿六科十
三道松棚下九卿西向五府東向六科分而左十三
道分而右皆北向故謂立推如各部尚書侍郎卿佐
支持房內坐推如腹裏巡撫常朝畢行過御橋吏部
請戶部同議邊方巡撫吏部請兵部同議謂之走推
巡撫出行時腹裏邊上戶兵二部分主錢此定例今
使御史推舉是以小臣而侵大臣之權矣隆維崧之

不敢與

○降吏科給事鄒元標為刑部照磨○降吏部員外顧
憲成為桂陽州州判官以其救鄒元標也○南京右都
御史海瑞卒于官詔贈太子少保謚忠介遣行人護喪
歸葬

惟下漢等
事上不能
強之民民
亦不能私

厚于我

瑞頗然而長方願豈下耳雙垂容滿可掬性剛直守
清廉執法持公卒之日都御史王用汲入視葛解脫
衣有寒士不堪者啓其篋得十餘金士夫醵金為飲
小民下浚罷市白衣冠送之百里不絕其撫災恤患
世以方周
文襄云

戊子萬曆十六年火落赤等擁眾犯洗眼副總兵李聯
芳禦之全師覆沒是時虜整居于中鎮撫隔絕于外羽

半卯李相
以刑部尚

徽不通西鎮危如孤注。南京刑科給事徐桓奏言甘肅
孤懸絕塞最稱積弱。自俺達假道西牧。卜免台吉部落
牧于西陲。已懷窺伺。非一日矣。今扯酋復踵故智。與三
娘子移帳而南。以迎佛捨番。仇瓦刺愚我。實則爲盤據
謀不及今。一大創之。將來日侵月削。其患不止于是
者。是可爲寒心哉。疏留中。○上御經筵畢。覽貞觀政
要曰。唐太宗多有慙德。唐臣魏徵大節有虧。命以後
講禮記停止。貞觀政要閣臣申時行等因請進講通鑑
纂要大學衍義二書報可。○起右都御史潘季馴總督
河道。河決偃師。浸淫諸郡。遣科臣勘視督責諸撫臣。盡

所授學官
以著語錄
上憲錄

地經理然莫能統一。台省交章言季馴故習河數任事
有功以讒去非其罪可棄而使也。乃以右都御史總理
往至任按異時所畫章程次第修舉視瀕河諸堤圯弗
治者增培補緝當水衝者剏格堤以限之專建鎮口古
洪內華三石閘築築泗州祖陵石隄塞軍家口決經營
拮据不遺餘力工成詔復原官加太子少保工部尚書
賜白金文綺優寵之。○兵部尚書王崇古卒贈太保益
襲毅崇古歷事三朝先後官階十有九轉以刑名者十
二以兵事著者十八而萊俺達功最著初虜雲集塞下
日跋朝命而文選之臣方且踟躇顧望首鼠兩端扼漢

叩關或疑其詐以爲老酋寔使之及歸把漢又慮如維
川事阻後來內附之心至虜請市又稱引嘉靖中擁兵
挾軍吏朝登壘而暮寒盟如漢金縢宋歲幣徒以辱國
搖動衆心莫能堅決而崇古定紛持重冠帶名王屹然
以身任之不惜關天下之口此其績蓋亦偉矣

崇古山西人

○武靖伯李煒卒其子文全請贈國公部議世廟釐正
國戚封典無贈公者聖母孝思無已議贈太傅文全
又求襲侯部議煒旣封伯而子襲侯揆之國典非制酌
之人情非體始令襲伯爵一輩從之○上召輔臣申時
行等示以御史董子行疏謂撫鎮官宜親巡歷巡撫宜

通 太祖
御批勅諭
及詩文
取原所寶
訓實錄

以累朝典
故事之法

久任邊方司道宜優異沿邊佐貳官宜慎選用破格遷
除輔臣且披且奏上從之○閣臣恭進太祖高皇
帝御批勅諭及詩文凡七十六道裝潢以進因請法
聖祖宏綱細目無不周詳大廷深宮無時暇逸上喜
暫覽○上命查取累朝寶訓實錄稿凡纂修實
訓實錄已完正本十皇極殿恭進送皇史宬尊藏
副本留內閣其原稿閣臣會同防禮監及纂修各官于
西城隙地內焚燬益崇重秘書恐防泄漏也今奉旨
查取無憑呈進聞嘉靖年間曾將累朝寶訓實錄重
錄一遍見藏奉皇史宬其原先舊本則隆慶年曾聞

傳一役

之相具見

法祖盛心

仙本式樣

瑞閣簡快

繁多今略

缺省

黃梅賊

徐希明能
以地方為

心

莊皇帝嘗一取視收藏道心閣後又送入皇史宬閣

臣疏復上命開皇史宬查檢並無想世宗請去西城

萬壽宮被災燬耳閣臣查大祖起及累朝訓錄所

存者改從書冊勝寫裝潢以呈便于觀覽且省費云○

黃梅賊首梅堂劉汝國作亂汝國故蘄陽門子隨大盜

梅堂詹三漢自書搶掠蘄州知州徐希明慮左右皆盜

黨致居民能幹者曰潘案托以擒盜設計與吏目蕭芬

于宿松縣右車嶺擒堂父子并獲劉汝國之妻具知各

盜贖跡次年正月汝國等自稱順天安民王橫行白晝

張蓋入縣沿燒亭前驛往來長溪山二郎河等處又往

賊焚營而
逃獲陳策
身中三鎗
贈句面色
如生

張維忠

王樹觀殺人劫掠開倉放穀其黨近三百人都司周洪
謨進兵至麻尖戰敗州判陳策死之于是湖廣軍門約
操江都御史合兵討之分路並進汝國據柴家山移文
州縣吳淞把總王夢勲深入爲賊所敗而太湖縣鄉兵
張維忠誓眾復前生擒汝國及其黨余孟新黃梅賊平
○四月歲大旱上禱郊壇時欲分遣大臣禱于名山
大川禮部尚書沈鯉奏言民已困矣而益以乘傳之使
是重困也不如上齋三日以告文授太常之屈致之
上允從○嚴覈雲南冒功官員先是雲巡按蔣璿核
述西事奏言緬寇猖獗已久近擒岳鳳父子邊境始安

平建南

四

則視邊備

此項功次原係蠻莫思順諸酋功。劉天俸既昇其績。李材又妄報其勲。陳巖之附會飾虛。宋儒陳克侯扶同結助。書奏詔逮李材等。撫臣劉世曾亦上書自劾。上降世曾爲庶人。材與遊擊劉天俸俱以詐冒坐棄市。○建南夷糾五咱。大咱及黑骨諸夷稱亂。按察司上川道武尚耕討平之。耕擒五咱于昌州。追大咱于阿六。出箐射殺焉。建南平。○江南大旱。詔特蠲歲賦之半。出帑金數十萬給賑。○刑科右給事吳之佳疏言。南北海災。穀價騰湧。宜令有司積穀。歛散如常。平法聽民立社。倉以廣儲蓄。上是之。○遣京朝官各邊一人閱視邊備。款貢

雖遣京朝
亦徒具文

中工二相

問太常公
子即非黃
典試舉有
亦其分內
終以出于
黃所爲衆
指日耳

日久三歲則遣京朝臣閱視之廷議恐其擾民請屬之
按臣而科臣以按臣與邊臣仰即有功如山莫肯先發
徒具文耳仍遣京朝官往 上是之故特遣京官往各
邊一人○禮部郎中高桂劾右春坊黃洪憲主試順天
所取解元王衡與李鴻爲有關節詔查核覆試

京兆試卷呈送禮部尚書朱廣命郎更檢閱儀制司
郎中于孔兼因揭其二卷以呈一王衡湯爵之子一
李鴻申時行姪也或有勸廣者曰公當即奏不奏即
當密止廣猶豫久之密以百二相因寢其事孔兼復
封送禮科令其參劾禮科苗朝陽時行門下也亦寢
不奏孔兼見形迹已露不可中止因風郎中高桂桂
抗直人遂上疏劾黃洪憲王衡與李鴻而并及鄭
國望潘之恆屠大壯茅一桂任家相李昂凡八人
○貴州宣慰司楊應龍進獻大木給有欽賞安國享閱

比一小司
而敗玩夫
天朝茂視
紀綱已為
可怪況固
其言併追
德撫重失
朝廷之本
所生遠人
之志矣

李獻曾

之亦具本願採大木、上一體傳諭給賞、及貴州三運
木起解各隨、而進驗無安曾大木故巡撫貴州郭廷梧
劾之、半年後、曾反上疏云、大木起解在途、巡撫委商何
貴恃強凌奪、搶木先運、上怒欲逮巡撫、閣臣申時行
申救曰、土官乃敢叅巡撫、是輕朝廷也、可行其言、以驕
其志乎、乃止

十一月臘、酋撒假與中鎮夷、白祿連結為黨、殺死指揮
李獻中、我師三道分兵、乘墟搗巢、破膩斬撒假、白祿拔
營十九、效首功三百、復侵地四百五十里、兵威大振、膩
酋者黑骨種、名撒假也、連夷白祿為亂、副使武尚耕進

毋現雪夜
進兵破賊
附知元濟
之檢非原

兵官廖河賊迎戰我兵以天全首陽上司兵擊之而潛
師亂上流繞出賊後賊爲潰斬白祿子阿則等送冷溪
河獲渠魁阿擺賊退據馬蝗山我兵進奪其積儲以餉
我軍賊復據大鷹崖阻殺馬溪固守欲老我師時方大
雪度我兵不能進稍解我師冒雪進兵遇險卽蟻附而
登大鳴鼓角賊驚駭失厝鋒纔交斬數大酋餘潰去遂
進破之○上遣內臣禱祠五臺山還奏言紫荆關外廣
昌靈邑可定礦砂作銀冶奸民張守清擅其利一日
上視朝畢召閣臣于皇極殿議事語次及之閣臣請勅
該部行撫按官查問禁戢上是之命迨守清伏法

開水新河
出多少事

開

洞

聖駕幸石景山臨觀渾河

上召輔臣

申

等前至橋次示以水勢洶湧因言黃河每有衝

決經須在得人既而輔臣以河道利害疏奏上嘉

悅

開盡其狀

案渾河水來自西北即古桑乾河出盧橋至天津直
流入海當其泥漲亦有衝決然不關運道不近城郭
猶未為深患若黃河發源崑崙流入中國至積石龍
門止數千里經陝西河南則涇渭伊洛諸水皆入其
中又經徐州等處與淮水相合覆入海當其壅閉則
數丈之渠遂成平地及至潰決則數里之隄一瞬洪
流湍激洶湧比之渾河不啻數百先朝時決時塞
皆命重臣經理今之治河者為淮泗祖陵則防其西
侵為漕糧運道則防其北徙為淮楊數郡生靈則防
其南決其責任甚艱聖諭得人之論其于治河要
務可謂一言蔽之矣

太倉還詔
揭救具見
林休有容

成遜令支
所以收事

十二月御史馬象乾劾奏太監張鯨兒惡并指閣臣王錫爵阿從失職上怒下鎮撫司訊問而王錫爵封還詔旨具揭救之僅奪俸一年既而給事李沂復論鯨惡倍于馮保上下沂于鎮撫司杖六十削藉爲民○原任閣臣王家屏服闋上命遣官敦趣入閣辦事仍以禮部尚書兼東閣大學士○甘肅石灰溝等處天鼓鳴空中有成犬形者羣吠有聲○大將軍李成梁從威遠堡出塞卜寨棄其師人邢林字羅壁因縱兵直搗城下發大砲擊堅城盡裂中輒洞宵二酋窮促乞哀開原兵備成遜并釋康古陸以存反商進十寨邢林諭之諸

原首以祖
母事溫姐
古陸死時
感國家不
殺恩屬溫
姐延骨半
羅無頁天
朝庚酉亦
非承義者
縱山原非
江陵子之
匹必以父
之故而并
就之慘矣

首並服亾何康古陸溫姐相繼死遜令北關之卜寨那
林南關之猛骨友商面相結釋憾並請貢友商遂與建
州奴兒哈赤婚

己丑萬曆十七年詔禮部查核關節舉人時禮部尚書
朱賡稱病不出以左侍郎于慎行全掌院吳副院詹
同覆試試畢分二等不定去取照甲子例也以七人
為平通一人為亦通舊規亦通者黜迺二相周親屠大
壯也掌院見屠在黜列懼無以復三相與諸臺省爭憤
不能出身于慎行調劑其間具疏曰覆試既經多官會
閱無甚相懸可知當日科場未必有弊疏奏上准置

銜等會試降郎中高桂爲甘泉知縣刑部主事饒伸又以朋奸疏救准上怒下之獄旋削藉爲民

時科部高呂張王攻擊二相院中吳詹臺諫黃苗皆左袒之爲公論所扼脫慎行委曲其間猶有相銜者因想牛李之黨起于對策成于覆試蓋宗閣對策議切吉甫爲德裕所恨又與元稹爭進有郤及楊汝士錢徽知貢舉不受段李之屬爲其所嫌而宗閣之壻及第故德裕文昌等皆以科場攻擊主司宗閣譴焉于是各分朋黨更相傾軋垂四十年機括所發惟借科場以相傾古今事體大畧不遠如此

西虜侵掠洮河廷論宜令九邊款決戰以蕭大享爲兵部侍郎總督宣大并力西討○奸民以開礦興利爲

言下撫按官勘覈適玉田豐潤民復以請部未報上遣文書官問閣臣開礦事節經諸人題請該部如何不

覆閣臣極言開礦之害。上是之議遂寢。

二月會試以大學士禮部尚書許國、吏部左侍郎掌詹事府事王弘誨、克主試官。取陶望齡等三百五十人。內承運庫太監孫順奏急缺金兩、珍珠寶石。上命戶部買辦送用以潞王之國。取用金寶。戶部尚書宋纁言庫藏萬分匱乏。請停減買辦。蓋買辦必須召商。召商必須厚位。取給于太倉銀庫。今外庫實在之數僅一千五百有奇。已盡數奏解遼東。今所買價計用銀三十二萬。於何取給。乞悉行停減。不報。

三月廷試。賜進士焦竑、吳道南、陶望齡等及第。出身有

差○遣潞王之國時道通州守者供帳未備羣璫大譁
訴于巡按順天徐申宜加彈劾申曰璫勢如虎奈何又
彈長史以助其虐乎旋解之戒前途治具以待凡八日
而王出境所部晏如

四月輔臣請上御經筵時召對報聞

上自二月以來僅一出朝送潞王再出行太廟時享
禮其餘常朝日期盡行傳免經筵日講久已不開該
疏畱中經時不發冊建吉查無明
示而深居高拱之端自此始矣

○上祀山陵閱吉壤每登陟命中使扶掖而行有頃傳
旨體倦且息一日輔臣等請暫憩半日以午刻就道
宿輦華行宮不報翌日幸東山口抵暮方還輔臣等奏

經理荒政

老成之見
愛國之言
絕無私意

山氣更寒。陰氣易襲。未引伯益戒舜。晏子戒景公語。上曰。是誠愛朕。詰朝回鑒。○江南大旱。以吏科都給事。楊文舉經理荒政。○黃河初漲。隄岸隕于徐泗。工科請旨申飭。河道等衙門。用心隄防。

五月總督宣大蕭大享疏言。今國家禦虜。當以撫順勦逆。爲長策。卽西虜內訌。聲其罪而勦之可耳。虜王無他端。而并絕之。橫挑邊釁。委邊氓于鋒鏑。令軍興耗廢無已時。非勝筭也。疏上。會。上召問。閣臣對如大享言。詔允行。遂趣虜王東歸。逐西虜遠遜。兩川空無虜帳。而洮河謐如。○陝西提學副使許平遠荐江西舉人鄧元

錫劉文卿于朝下璽書徵聘○以于慎行爲禮部尚書
進士薛敷教劾都御史吳時來國家設立都御史及十
三道御史御史出差回道俱聽都御史考察堂屬之分
已定矣北京御史但有章疏本日卽送堂官揭帖南京
御史有疏發行三日後送堂官揭帖此相沿舊規時南
道王藩臣不送揭帖于耿定向定向因而論之科臣以
爲阻塞言路時來因而申明堂屬體統至是敷教論其
黨議定向視僚友爲重視朝廷爲輕且曰二三輔臣陽
托飲醇之名陰置登壘之實貌慶曆之和氣而掩其爭
齒貞觀之忒謀而諱其斷平津曲學金陵險陂上以新

進小臣令回籍

高汝拭曰昔元載為相請百官論事先自長官宰相
定其可否然後奏聞愚以御史有所論列先自長官
宰相則言責杜矣以職在言責者事無所不當論也
郎吏職在官守所守之官即長官之職有所建自當
謂之盡職郎吏不行然後開之上故臺諫不自長官
遂揭于堂或于舊規少紊而于言責豈可厚非哉

萬壽聖節 上御殿受賀○四川播州宣慰司使楊應

龍反國初楊鑑內附改播州宣慰使司隸四川介川湖

貴竹間六長官司統七姓世為目把嘉靖間楊相寵庶

子煦欲奪嫡嫡妻張與子烈擁兵逐相走水西客死烈

即應龍父也應龍生而雄猜尤阻兵嗜殺隆慶六年

是時應龍
止表安耳
未有停職
國家實時
何據而謂
大征也

職以從征喇麻諸番等賜金幣萬曆乙酉進大木六十
本助工上特給大紅飛魚服加職級自是漸驕蹇輕
漢法嬖小妻田雌鳳疑嫡妻張奸淫出之已飲田氏兄
所乘醉封刃取張并母因屠其首于是妻叔張時照與
所部何恩宋世臣等上飛文告龍反巡撫貴州葉夢熊
疏請大征而蜀撫王撫朝議乃行兩省會勘應龍願附
蜀不赴黔○建州夷酋奴兒哈赤以姻及商先入貢且
以斬叛夷克五十乞陞賞上命陞爲都督同知王杲
不道虜我疆吏李成梁因他失以爲鄉導遂梟王杲於
橐街他失者叫場之子杲之孫婿也因以杲之餘地界

哈赤強盛
之始

遺禍遼西

消消不息
遂成江河
其是之謂

他失使爲建州衛左衛指揮。後時闖入塞。輒有寇擾。成
梁乘其醉而殲之。此時建州殘破。海西橫。毛憐助海西
爲虐。而速不駭跳梁于西。成梁勢不能東西奔命。遂復
建州。以殺海西毛憐之勢。他失之子四人。惟奴兒哈赤
速兒哈赤在耳。奴與速同爲俘虜。給事于成梁家。奴乃
伴謹其身。以自媚于成梁。成梁忽其易。復以他失殘衆
畀之。且加爲龍虎將軍。亦謂柔可馴。鵠可制。卵而翼之。
庶幾遺毛憐海西方張之寇耳。豈其包藏禍心。十年生
聚。十年教訓。騁其詭譎。混同諸部。自此坐大矣。○哈赤
旣躋崇巖。卽與反商爭張海。因約婚罷兵。後盡食張海。

色失諸首漸稱雄長

十二月大理寺評事維于仁進酒色財氣四箴

其四箴曰酒為趙藥斯斯不顧心志內情威儀外缺
神馬疏秋發詔典陸晉師街杯糟丘成風連藥陛下
驪國成湯不遇享有遐壽漢成寵姬享年不久進藥
陛下內嬖勿厚色簾競彼繆繇繇錙錙不利公帑稱
私家塵飯武散鹿臺八百歸心隋場剝利天命難謀
進藥陛下賁賄勿使財炭逞彼忿恚恣性任情法尚
操切政民公平大舜溫恭和以致祥秦之暴戾澤怒
孔彰進藥陛下舊怨勿藏氣簾○高汝拭曰孔子云
事若欲諫不欲陳諫者正居之失陳者揚君之過覽
此疏言雖切直近于陳矣昔曹操欲立擅廢至問賈
胡胡默然操問故胡曰愚有所愚操曰何愚胡曰思
袁本初劉景升父子爾操遂不易唐方慶為相子在
眉州武后曰君在相位何子之遠對曰盧陵陛下愛
子今尚在遠臣子庸敢近因知隱為默驗勝于顯諫
明諍彼彼君有其心而以銜濟之此顯諫之功大也